

Landesbibliothek Oldenburg

Digitalisierung von Drucken

**Disqvisitio Academica De Sacerdotibus Ac Levitis Novi
Testamenti Sub Antiqvo Foedere Promissis**

Krakewitz, Albrecht Joachim von

[Greifswald], [MDCCXXIX?]

VD18 11722126

Vorwort

urn:nbn:de:gbv:45:1-15691



PRÆFAMEN.



Extant in Scriptura Veteris Testamenti ejusmodi oracula divina, quæ disertis verbis docent, quod etiam temporibus *Messie* futuri sint *Sacerdotes* atque *Levitæ*. Non permittit Spiritus S. optimus verborum suorum interpres, ut antiquum & dudum abolitum revocemus *Sacerdotium Leviticum*, prouti à Deo illud quondam ordinatum & in Mosaicis scriptis delineatum legimus, quia ex quamplurimis tam novi quam antiqui fœderis locis novimus, illud tantum usque ad *Messie* tempora durare debuisse. Interea, ipsa nihilominus Spiritus Sancti per Scripturam loquentis autoritas & Majestas exigit, ut inquiremus, qua mente quave intentione Divinissimus Spiritus per Prophetas vaticinatus fuerit, de *Sacerdotibus & Levitis* sub œconomia ipsius *Messie* exhiberi futuris. Sic concordabit Scriptura antiqui & novi fœderis; sic innotescet nobis sensus variorum oraculorum Prophetarum; sic unusquisque intelliget, quid sui sit officii, quomodo actiones suas ad nutum & voluntatem Sanctissimi Numinis debeat componere suæque vocationis partibus rite recteque defungi. Ad quod negotium dum nos accingimus, faventissimam Spiritus Gratiae auram nobis devotissime expetimus, probe memores, quod ipsius luce & vita destituti, hoc, quod jam ingredimur spatium, nunquam feliciter emetiri queamus.

A

§. I.



§. I.

PLacuit Sanctissimo Numini, diversis temporibus ut & per diversos vates ea prædicere, quæ de *Sacerdotibus ac Levitis* Novi Testamenti revelare voluit. Nos omnium primo extantiora hic, & quidem ex versione SEB. SCHMIDII, afferemus Prophetarum loca huc spectantia.

Pfalm. CXXXII. 9. Sacerdotes tui induantur justitia & Sancti tui jubilent. 16. Et Sacerdotes eius induam salute & Sancti eius jubilando jubilabunt.

Es. LXI. 5. Stabunt vero alieni, & pascent gregem vestrum; & filii aliengenarum (erunt) agricola vestri, & vinitores vestri. 6. Verum vos Sacerdotes Jehovæ vocabimini, ministri Dei nostri, dicetur vobis: Operes gentium comedetis, & in gloria eorum gloriabimini.

Es. LXVI. 19. Ponam inter illos signum, & mittam ex illis evasores ad gentes, Tharschisch, Pul & Lud, trahentes arcum, Thubal & Javan; (in) insulas longinquas; quæ non audiverunt famam meam: annuntiabunt itaque gloriam meam in gentibus. 20. Tum adducent omnes fratres vestros ex omnibus gentibus, munus Jehovæ, super equis, & super curru, & super rbedis cameratis, & super mulis, & super veredariis ad montem sanctitatis meæ, Hierosolymam, inquit Jehova; quemadmodum adducent filii Israël munus in vase mundo (in) domum Jehovæ. 21. (Quosdam) etiam de iis sumam in Sacerdotes (&) in Levitas; inquit Jehova.

Jerem. XXXI. 14. Implebo animam Sacerdotum pingvedine; populus autem meus bono meo saturabuntur, dictum Jehovæ.

Jerem. XXXIII. 17. Sic dixit Jehova; non excidetur Davidi vir sedens super throno domus Israël. 18. Ac Sacerdotibus Levitis non excidetur vir à coram faciebus meis; offerens holocaustum & adolens mincham, & faciens sacrificium omnibus diebus. 19. Porro factum est verbum Jehovæ ad Jeremiam, dicendo: 20. Sic dixit Jehova; si irritum reddideretis fœdus meum, (fœdus) diei, & fœdus meum, (fœdus) noctis, ut non sit dies & nox in tempore suo. 21. Etiam fœdus meum irritum fiet cum Davide, servo meo, ut non sit illi filius regnans super throno illius, & cum Levitis Sacerdotibus, ministris meis. 22. Sicut non numerabitur exercitus celo-

